

Mañan 5 di februari

S.V. Aruba Jrs. ta cumpli 80 aniversario



Delanteronan di aña 1955 cu a hinca un record di 93 gol den un campeonato
Leo Rodriguez, Angel Botta, Gochi Brion, Juan Briezen, Ruben Arrango



kinan por mira riba e potret aki Goochi Brion, Leo Rodriguez, y tambe Juan Briezen.



Atras di r.p.d.:
In the back from l. to r.:

Yanjo Albus - Hilario Martinus - Dado Orman - Jossy Brokke (Quandt) - Edgard de Lanooy - Ulpiano Amaya - Selin Fingal - Ramaldo Sneek - Porfirio Odor - Augusto Reyes - Debarista Amaya - Boes Tromp - Vicente Fingal.

Dilanti di r. pa d.:
In front from l. to r.:

Esaki tabata un foto tuma den Wilhelmina Sport Park.
This picture was taken at the Wilhelmina Sport Park.



DIADOMINGO awor 5 di februari, S.V. Aruba Jrs. ta cumpli 80 aña di existencia. Un club conoci cu ta eherce diferente ramo di deporte. Manera tur organisacion S.V. Aruba Jrs. a conoce su tempo di gloria y tambe su tempo di decepcionnan. Manera Presidente sr. Luis Tromp na 2007 a titula su buki conmemorativo di S.V. Aruba Jrs. esta: "Un Fundeshi Solido", asina tambe awe nos por bisa cu e fundeshi solido tey y fuerte.

Den e 80 añanan cu a pasa lamentablemente hopi historia a bay perdi di un manera of otro, pero asina mes Luis Tromp a logra acumula hopi historia valioso cu ta den e buki aki. Hopi potret recordativo a desaparece, tog haciendo research, Luis Tromp a logra haya basta potret inolvidable.

E club mes a keda sera pa un periodo, aunke tabatin un grupo cu a sigi hunga tenis y softball. E team di futbol hoofdklas, local e club tabata conoci pe, a degrada y asina tambe futbol a stop di existi na Aruba Jrs. Aruba Jrs. su teamnan di futbol tabata temible cu hopi titulo campeonil. E aña mas recordable tabata na 1955 cu Aruba Jrs. a titula campeon di hoofdklas, reserve hoofdklas, B klas, C klas y Junioren.

E prome team campeon di Aruba Jrs. na aña 1934 tabata consisti di: Polidor Steen, Edgard deLanooy, Romualdo Sneek, Selin Fingal, Carlos Odor, Vicente Fingal, Augusto Reyes, Evaristo Amaya, Jossy Brokke Sr., Victoriano Albus y Laurens Tromp. Team di aña 1949 tabata consisti di Dunchi Tromp, Elio

Tromp, Jose Paulina, Jacobo Holsman, Chia Brion, Johan Palm, Franny Tromp, Mundo Kemp, Angel Royer, H. Panneflekk, Ruben Arrango, Ti Paulina, Cholan Jacobs y Goochi Brion.

Awe hopi di nan no ta cu nos mas.

Na aña 1959 Aruba Jrs. a hunga na Salvador y a titula subcampeon. E hungadornan tabata: Osbaldo Lolli, P. Paulina, Luisito Vingal, Chia Brion, Watty Vos, Julio Martilla, Jose Boye, Francisco Loefstok, Goochi Brion, Ruben Phillips, Elio Tromp, Juancho Pablo (refuerso), Michael Vos, Mario Mateo, Freddy Fingal, Doc Williams (refuerso) Benny Geerman y Fon Paula. Nos por sigi menciona hopi epoca mas y hopi di e futbolistanan grandi, pero espacio ta limita, aunke nos mester menciona e grandinan manera e 5 hungadornan

cu a score 93 gol den un campeonato na 1955 y nan ta Leo Rodriguez, Angel Botta, Goochi Brion, Juan Briezen y Ruben Arrango.

Nos a bay un poco amplio den historia di futbol mustando cu nos baluartenan grandi no a ser lubida. Pero un di e baluartenan aki cu nos no por lubida t'e prome Presidente di Aruba Jrs., Betto Vrolijk, kende ta un persona cu amor grandi pa futbol.

Actualmente Aruba Jrs. su sector di mas grandi ta basketball cu 7 categoria, esta mini mixed team di 8 pa 12 aña, Pasarela di 13 pa 14 aña, Cadet di 15 pa 16 aña, Junioren di 17 pa 18 aña, B klas, A klas y Masters (50 plussers). Aruba Jrs. a gana incontable campeonato den su historia di basketball den tur categoria, mucho hopi pa menciona.

Aruba Jrs. tin un team di little league cu ta Aruba Jrs./Aruba Lions dirigi p'e rumannan Quillotte. Den Liga Mayor di Softball di Aruba, Aruba Jrs. tin un team cu ta Aruba Jrs. General Store/L.G. tin e record di ta 4 biaha campeon oficial di Aruba y incontable campeonnan di distinto torneo na Aruba como Corsou y Bonaire, mescos cu hopi titulo campeonil internacional.

E celebracion di 80 aniversario lo ser primeramente celebra cu deportenan inter-club cu ta dlanan 22, 23, 27 y 28 di februari 2012. E brindis lo ta riba un otro fecha. Directiva actual di Aruba Jrs. ta consisti di Presidente sr. Luis Tromp, Vice-President Danilo Prescott, Roxana Paula Secretaria, Tesorero Patrick Arens, 2do Tesorero y asun-

tonan huridico Marlon Jansen, 2do Secretario Roberto Pablo, Emile Herde Asunto General y mantencion, Joy Kock Relacion Publico y asuntonan di Softball y Little League y Kelvin Augustin encarga cu proyectonan special.

Diadomingo awor, esta mañan tin un Santo Sacrificio di Misa pa 8.00 or di mainta pa gradici nos Creador p'e 80 aña di S.V. Aruba Jrs. Tur miembro y ex-miembbronan ta ser spera n'e Santo Sacrificio di Misa aki.

Tur e potretnan cu awe nos a presenta cu a articulo aki, cu ta masha hopi mes, ta bin di parti di Mai Mateo, kende tin un gran cantidad di recuerdo y foto di hopi di nos futbolistanan cu no tey mas. Mai, masha danki pa bo colaboracion na AWE**Mainta.com**.